

OS MAIOS 2026

BASES

Primeira.-

A Delegación de Cultura do Concello de Monforte de Lemos convoca o **Concurso OS MAIOS**, que se realizará o 7 **maio de 2026**.

Segunda.-

Poderán participar no concurso todos os monfortinos que o desexen. As solicitudes para a inscrición dos maios, así como das coplas deberán presentarse para a participación no concurso no Rexistro Xeral do Concello de Monforte. O último día de presentación destas será o 4 de maio antes das 14:00 h.

Terceira.-

O tema tratará sobre calquera tipo de Maio.

Cuarta.-

Os Maios sairán a percorrer as rúas da cidade libremente e xuntaranse na Praza de España ás 17:30 horas, onde se interpretarán as coplas.

Quinta.- PREMIOS.

Haberá dúas modalidades *MAIOS* e *COPLAS*:

MAIOS

Haberá dúas categorías:

/Maios asociacións ou colectivos e particulares.

/Maios centros de ensino.

Haberá un primeiro, un segundo e un terceiro premio e un máximo de seis accésits por categoría. A suma total dos premios concedidos no concurso de os maios non superará os 1.500,00€, que se aplicarán con cargo a partida 3340.481.00, sen prexuízo de que o importe dos premios sexa inferior.

PREMIOS (por categoría):

1º premio 200,00€ 2º premio 150,00€ 3º premio 100,00€ Accésits de 75,00€

COPLAS

Haberá un primeiro, un segundo e un terceiro premio e un máximo de seis accésits para a única categoría. A suma total dos premios concedidos no concurso de coplas non superará os 405,00€, que se aplicarán con cargo a partida 334.481.00, sen prexuízo de que o importe dos premios sexa inferior.

PREMIOS:

1º premio 100,00€ 2º premio 75,00€ 3º premio 50,00€ Accésits de 30,00€

Os premios serán indivisíbeis e poderán quedar desertos algúns deles, segundo a decisión do xurado do concurso. En caso de empate decidirá o voto de calidade do presidente do xurado.

Criterios de valoración do xurado maios:

Valorarase a imaxinación, a idea, a estética, a orixinalidade, a elaboración, os materiais utilizados, e a calidade.

Criterios de valoración do xurado coplas:

Valorarase a interpretación, a posta en escena, a imaxinación, a idea, a orixinalidade, os instrumentos musicais utilizados e o número de compoñentes.

Co fin de que sexan obxectivas as cualificacións do xurado, cada criterio enumerado terá unha valoración entre 0 e 10 puntos cun máximo de 70 puntos por xurado.

Sexta.- O xurado do concurso estará composto por:

PRESIDENTE: A Delegada de Cultura ou persoa á que designe.

VOGAIS: 4 Persoas de diferentes ámbitos sociais, educativos e culturais de Monforte de Lemos.

SECRETARIO/A: O técnico de cultura do Concello de Monforte, con voz e sen voto que certificará o cumprimento das condicións establecidas nas bases do concurso.

A composición do xurado aprobarase e darase a coñecer polo Concello con antelación suficiente.

Sétima.- A inscrición no concurso dos maíos implica a autorización ó Concello de Monforte de Lemos de todos os participantes inscritos, da recollida e tratamento dos Datos Persoais dos participantes que teñen como finalidade a xestión do concurso convocado polo Concello, entrega de premios e publicación dos gañadores, así como na posible difusión dos documentos visuais recollidos na realización da actividade, documentos a utilizar polo Concello na súa páxina web, na elaboración de carteis, en folletos informativos ou outras posibles edicións municipais.

Oitava.- Os aboamentos dos premios serán tramitados polo Concello de Monforte de Lemos, a través dunha transferencia bancaria. Previamente será necesario a presentación do certificado bancario cun número da conta do titular.

Non poderá realizarse o pagamento do premio mentres o beneficiario non se atope ó corrente no cumprimento das súas obrigas tributarias ou coa seguridade social ou sexa debedor por resolución de procedencia de reintegro.

Novena.- A participación no concurso supón a aceptación de todas e cada unha das bases. A decisión do xurado é inapelable.

Contra a resolución definitiva que esgota a vía administrativa, os interesados poderán interpor recurso potestativo de reposición ante ó órgano que ditou a resolución de conformidade cos artigos 123 e 124 da lei 39/2015 de 1 de outubro, do procedemento administrativo común das administracións públicas, ou ben directamente o recurso contencioso - administrativo, no prazo de dous meses, perante o Xulgado co Contencioso - Administrativo de Lugo.

Décima.- No non previsto nas presentes bases estarase ao disposto na ordenanza xeral reguladora da concesión de subvencións municipais e de xeito supletorio na Lei 38/2003 do 17 de novembro, Xeral de subvencións, no RD 887/2006 de 17 de novembro, polo que se aproba o Regulamento da Lei 38/2003, e na Lei 9/2007 do 13 de xuño de subvencións de Galicia.